

文獻之解視屍體也。乘夜拉妻間行赴葭洲刑場。收其棄屍。夫妻昇之而歸。陰置牀下。且剖且檢。日以爲常。葭洲在安治川下流。距市數里。白晝人尙憚經過。而文獻乃獨如此。聞者僉捲舌驚服焉。

〔醫贖上〕解剖藏府

朱載堉律學新說云。岐伯曰。夫八尺之士。皮肉在此。外可度量。切循而得之。其死可解剖而視之。蓋太古時。風俗淳朴。死則棄之於野。初無衣衾棺槨之葬。故使爲醫術者。可得剖而視之。亦無所禁。後世聖人取諸太過之象。始製棺槨。由是之後。國有殘毀屍體之禁。無敢剖而視之者。以此推之。知彼醫經其來之遠。又奚止於三代而已。此說非也。趙與時賓退錄云。廣西戮歐希範及其黨。凡二日。剖五十有六腹。宜州推官靈簡。皆詳視之爲圖。以傳于世。王莽誅翟義之黨。使太醫尙方與巧屠共劊剝之。量度五臟。以竹筴導其脈。知所始終。云可以治病。然其說今不傳。又晁公武郡齋讀書志。載存真圖一卷。皇朝楊介編崇寧間。泗州刑賊於市。郡守李夷行遣醫并畫工往視。決膜摘膏。旨曲折圖之。盡得纖悉。介校以古書。無少異者。比歐希範五臟圖。過之遠矣。實有益醫家也。又聞見後錄載。無爲軍醫張濟能解人。而視其經絡。則無不精。因歲饑。疫人相食。凡視一百七十人。以行針。無不立驗。按明程式。亦嘗解倭人。檢視藏府。詳見其醫殼中。近世斯邦醫家亦好剖解。驗以荷蘭內景書。頗極精微。然有益於外科。而無裨內科矣。

人體圖像

〔新撰姓氏錄〕和藥使主

出自吳國主照淵孫智聽也。欽明天皇御世。隨使大伴佐比古。持內外典藥書。明堂圖等百六十四卷。佛像一軀。伎樂調度一具等。入朝。男善那使主。孝德天皇御世。依獻牛乳。賜姓和藥使主。奉度本方書一百卅卷。明堂圖一卷。藥白一。及伎樂一具。今在大寺也。

○明堂圖ノ事ハ、醫學校及ビ醫書ノ條ニアリ、參看スベシ、

〔續古事談〕王道后宮、典藥寮明堂圖ハ靈物也、雅康寮御時、本寮破レテ、ステヲキテ、ヨロヅノ人ミケ